

TILSKIPUN FRAMKVÆMDASTJÓRNARINNAR 2006/125/EB

2009/EES/25/25

frá 5. desember 2006

um unnin matvæli með korn sem uppistöðu og barnamat fyrir ungbörn og smábörn (*)

(Kerfisbundin útgáfa)

FRAMKVÆMDASTJÓRN EVRÓPUBANDALAGANNA HEFUR,

tveggja stóru vöruflokka, þ.e. unnina matvæla með korn sem uppistöðu og barnamat.

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/398/EBE frá 3. maí 1989 um samræmingu laga aðildarríkjanna um sérfaði⁽¹⁾, einkum 1. mgr. 4. gr.,

og að teknu tilliti til eftirfarandi:

- 1) Tilskipun framkvæmdastjórnarinnar 96/5/EB frá 16. febrúar 1996 um unnin matvæli með korn sem uppistöðu og barnamat fyrir ungbörn og smábörn⁽²⁾ hefur nokkrum sinnum verið breytt í veigamiklum atriðum⁽³⁾. Til glöggvunar og hagræðingar ber því að kerfisbinda þessa tilskipun.
- 2) Unnin matvæli með korn sem uppistöðu og barnamat fyrir ungbörn og smábörn eru hluti af fjölbreyttri fæðu og eru ekki eini næringargjafi ungbarna og smábarna.
- 3) Vörurnar, sem um ræðir, eru til í fjölbreytilegu úrvali sem endurspeglar hina fjölbreyttu fæðu sem ungbörnum, sem búið er að venja af brjósti, og smábörnum stendur til boða sem rekja má til félags- og menningarlegra aðstæðna í Bandalaginu.
- 4) Grundvallarsamsetning varanna, sem um ræðir, skal vera þannig að þær fullnægi næringarþörfum heilsuhraustra ungbarna og smábarna eins og þær hafa verið ákvarðaðar á grundvelli vísindalegra gagna, að teknu tilliti til framangreindra þátta.
- 5) Mæla skal fyrir um mikilvægustu kröfur fyrir næringarefni að því er varðar samsetningu þessara

- 6) Gera skal lögboðnar kröfur og setja aðrar takmarkanir að því er varðar innihald vítamína, steinefna og annarra næringarefna vegna eðlis þessara vara en þó skal framleiðendum frjálst að bæta við slíkum næringarefnum að því tilskildu að þeir noti eingöngu tiltekin efni sem eru tilgreind í þessari tilskipun.

- 7) Notkun varanna, þar sem kosið hefur verið að bæta þessum næringarefnum við í magni, sem nú er farið eftir í Bandalaginu, virðist ekki hafa haft það í för með sér að ungbörn og smábörn fái þessi næringarefni í of stórum skömmtum. Fylgjast skal vel með þróun á þessu sviði í framtíðinni og gera viðeigandi ráðstafanir ef nauðsyn krefur.

- 8) Mismunandi reglur um hámarksgildi fyrir varnarefnaleifar í unnum matvælum með korn sem uppistöðu og barnamat skapa viðskiptahindranir milli tiltekinna aðildarríkja.

- 9) Í tilskipun ráðsins 76/895/EBE frá 23. nóvember 1976 um hámarksmagn varnarefnaleifa í og á ávöxtum og matjurtum⁽⁴⁾, tilskipun ráðsins 86/362/EBE frá 24. júlí 1986 um hámarksmagn varnarefnaleifa í og á kornvörum⁽⁵⁾, tilskipun ráðsins 86/363/EEB frá 24. júlí 1986 um hámarksmagn varnarefnaleifa í og á matvælum úr dýraríkinu⁽⁶⁾ og í tilskipun ráðsins 90/642/EBE frá 27. nóvember 1990 um hámarksmagn varnarefnaleifa í og á tilteknum vörum úr jurtaríkinu, meðal annars ávöxtum og matjurtum⁽⁷⁾ er kveðið á um hámarksgildi fyrir varnarefnaleifar með fyrirvara um sérákvæði um unnin matvæli með korn sem uppistöðu og barnamat.

(*) Þessi EB-gerð birtist í Stjtið. ESB L 339, 6.12.2006, bls. 16. Hentar var getið í ákvörðun sameiginlegu EES-nefndarinnar nr. 47/2007 frá 8. júní 2007 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbætur við Stjórnartíðindi Evrópusambandsins* nr. 48, 11.10.2007, p. 3.

⁽¹⁾ Stjtið. EB L 186, 30.6.1989, bls. 27. Tilskipuninni var síðast breytt með reglugerð Evrópuþingsins og ráðsins (EB) nr. 1882/2003 (Stjtið. ESB L 284, 31.10.2003, bls. 1).

⁽²⁾ Stjtið. EB L 49, 28.2.1996, bls. 17. Tilskipuninni var síðast breytt með tilskipun 2003/13/EB (Stjtið. ESB L 41, 14.2.2003, bls. 33).

⁽³⁾ Sjá A-hluta VIII. viðauka.

⁽⁴⁾ Stjtið. EB L 340, 9.12.1976, bls. 26. Tilskipunin var felld úr gildi með reglugerð Evrópuþingsins og ráðsins (EB) nr. 396/2005 (Stjtið. ESB L 70, 16.3.2005, bls. 1).

⁽⁵⁾ Stjtið. EB L 221, 7.8.1986, bls. 37. Tilskipunin var felld úr gildi með reglugerð (EB) nr. 396/2005.

⁽⁶⁾ Stjtið. EB L 221, 7.8.1986, bls. 43. Tilskipunin var felld úr gildi með reglugerð (EB) nr. 396/2005.

⁽⁷⁾ Stjtið. EB L 350, 14.12.1990, bls. 71. Tilskipunin var felld úr gildi með reglugerð (EB) nr. 396/2005.

- 10) Í þeim tilvikum þar sem niðurstöður úr viðeigandi vísindarannsóknnum eru ófullnægjandi gerir varúðarreglan Bandalaginu kleift, með tilliti til alþjóðlegra skuldbindinga þess, að gera bráðabirgðaráðstafanir á grundvelli viðeigandi upplýsinga þar til viðbótaráhættumat og endurskoðun á þeirri ráðstöfun liggur fyrir innan sanngjarna tímamarka.
- 11) Ljóst er af tveimur álitserðum vísindanefndarinnar um matvæli frá 19. september 1997 og 4. júní 1998 að vafi leikur á því hvort núverandi gildi viðtekings dagskammts (ADI) fyrir varnarefni og varnarefnaleifar verndi heilsu ungbarna og smábarna með fullnægjandi hætti. Því er rétt að samþykkja mjög lág, sameiginleg mörk fyrir öll varnarefni að því er varðar matvæli ætluð ungbörnum og smábörnum uns vísindaleg kembirannsókn og mat á hverju efni fyrir sig hefur farið fram. Þessi lágu, sameiginlegu mörk skulu fest við 0,01 mg/kg sem að öllu jöfnu er minnsti, greinanlegi styrkur.
- 12) Ákveða þarf strangar takmarkanir fyrir varnarefnaleifar. Ef vandað er sérstaklega til vals á hráefnum og viðtækt vinnsluferli á sér stað við framleiðslu á unnum matvælum með korn sem uppistöðu og á barnamat er mögulegt að framleiða vörur sem innihalda mjög lítið af varnarefnaleifum. Þegar um er að ræða fá varnarefni eða umbrotsefni varnarefna gæti hámarksinnihald leifa, sem nemur 0,01 mg/kg, jafnvel orðið til þess, í verstu tilvikum, að farið sé yfir viðtekinn dagskammt að því er varðar ungbörn og smábörn. Þetta á við um varnarefni eða umbrotsefni varnarefna ef viðtekni dagskammturinn fyrir þau er undir 0,0005 mg/kg líkamsþyngdar.
- 13) Í þessari tilskipun er kveðið á um þá meginreglu að bannað er að nota þessi varnarefni við framleiðslu á landbúnaðarafurðum sem eru notaðar í unnin matvæli með korn sem uppistöðu og barnamat. Þetta bann þarf þó ekki endilega að tryggja að afurðirnar séu með öllu án varnarefna af þessu tagi þar eð sum varnarefni menga umhverfið og leifar þeirra geta fundist í viðkomandi afurðum.
- 14) Unnt er að vernda heilbrigði ungbarna og smábarna enn frekar með því að setja fram frekari kröfur og beita efnagreiningu til að ganga úr skugga um að þær séu uppfylltar án tillits til þess hver uppruni afurðanna er.
- 15) Flest varnarefnanna, sem hafa viðtekinn dagskammt undir 0,0005 mg/kg líkamsþyngdar, hafa þegar verið bönnuð í Bandalaginu. Bönnuðu varnarefnin skulu hvorki greinast í unnum matvælum með korn sem uppistöðu né í barnamat þegar notuð er fullkomnasta greiningartækni sem völ er á. Sum varnarefni brotna þó hægt niður og menga umhverfið áfram. Þau gætu því verið í unnum matvælum með korn sem uppistöðu og barnamat þótt þau hafi ekki verið notuð við framleiðslu þeirra afurða sem eru notaðar í þessari matvæli. Tilhögun við eftirlit verður alls staðar að vera eins.
- 16) Heimila skal notkun leyfðra varnarefna, að því tilskildu að leifar þeirra fari ekki yfir þau hámarksgildi leifa sem kveðið er á um í þessari tilskipun, þar til framkvæmdastjórnin hefur skorið úr um hvort leyfð varnarefni uppfylli öryggiskröfurnar í 5. gr. tilskipunar ráðsins 91/414/EBE frá 15. júlí 1991 um markaðssetningu plöntuvarnarefna⁽¹⁾. Hámarksgildin skulu ákvörðuð þannig að tryggt sé að ekki verði, í verstu tilvikum, farið yfir viðtekinn dagskammt að því er varðar ungbörn og smábörn.
- 17) Fjalla skal um notkun nýrra innihaldsefna í matvælum í sérstökum gerningi sem tekur til allra matvæla á sama hátt.
- 18) Þessi tilskipun endurspeglar nýjustu þekkingu um viðkomandi vörur. Allar breytingar, sem kunna að verða vegna framfara á sviði vísinda og tækni, ber að samþykkja samkvæmt málsmæðferðinni sem um getur í 2. mgr. 13. gr. tilskipunar 89/398/EBE.
- 19) Mæla skal fyrir um nauðsynlegar, örverufræðilegar viðmiðanir og hámarksgildi fyrir mengunarefni með tilliti til þess hverjum vörurnar eru ætlaðar.
- 20) Samkvæmt 1. mgr. 7. gr. tilskipunar 89/398/EBE gilda almennar reglur, sem mælt er fyrir um í tilskipun Evrópuþingsins og ráðsins 2000/13/EB frá 20. mars 2000 um samræmingu laga aðildarríkjanna um merkingu, kynningu og auglýsingu matvæla⁽²⁾, um vörurnar sem falla undir þessa tilskipun.
- 21) Með þessari tilskipun eru viðbótarákvæði við fyrrnefndar, almennar reglur og undanþágur frá þeim samþykkt og útlistuð nánar, eftir því sem við á.

(1) Stjótd. EB L 230, 19.8.1991, bls. 1. Tilskipuninni var síðast breytt með reglugerð (EB) nr. 396/2005.

(2) Stjótd. EB L 109, 6.5.2000, bls. 29. Tilskipuninni var síðast breytt með tilskipun 2003/89/EB (Stjótd. ESB L 308, 25.11.2003, bls. 15).

22) Með tilliti til eðlis og notkunar varanna, sem fjallað er um í þessari tilskipun, er nauðsynlegt að tilgreina í merkingu orkugildi og helstu næringarefni sem þau innihalda. Hins vegar skal tilgreina notkunarmáta í samræmi við 9. lið 1. mgr. 3. gr. og 11. gr. tilskipunar 2000/13/EB til að koma í veg fyrir óheppilega notkun sem getur stofnað heilbrigði ungbarna í hættu.

23) Almennt má nota fullyrðingar, sem eru ekki sérstaklega bannaðar, um viðkomandi vörur í samræmi við reglurnar sem gilda um öll matvæli en ef um slíkar fullyrðingar er að ræða skal, ef við á, taka tillit til viðmiðana um samsetningu sem tilgreindar eru í þessari tilskipun.

24) Að því er varðar þau ákvæði, sem eru líkleg til að hafa áhrif á lýðheilsu, hefur samráð í samræmi við 4. gr. tilskipunar 89/398/EBE farið fram.

25) Ráðstafanirnar, sem kveðið er á um í þessari tilskipun, eru í samræmi við álit fastanefndarinnar um matvælaferlið og heilbrigði dýra.

26) Þessi tilskipun hefur ekki áhrif á skuldbindingar aðildarríkjanna varðandi fresti til að lögleiða tilskipanirnar, sem eru tilgreindar í B-hluta VIII. viðauka, í aðildarríkjunum.

SAMÞYKKT TILSKIPUN ÞESSA:

1. gr.

1. Þessi tilskipun er „sértilskipun“ í skilningi 1. mgr. 4. gr. tilskipunar 89/398/EBE.

2. Þessi tilskipun fjallar um matvæli til nota sem sérfaði til að fullnægja sérstökum næringarþörfum heilsuhraustra ungbarna og smábarna í Bandalaginu og ungbarna sem verið er að venja af brjósti og smábarna sem viðbót við fæði þeirra og/eða þegar verið er að venja þau á almennt fæði. Þetta felur í sér eftirfarandi:

a) „unnin matvæli með korn sem uppistöðu“ sem skiptast niður í eftirfarandi fjóra flokka:

i. einfaldar kornvörur sem eru hrærðar út eða hræra skal út með mjólk eða öðrum heppilegum næringarvökva,

ii. kornvörur, að viðbættum prótínríkum fæðutegundum, sem leysa á upp í vatni eða öðrum prótínfríum vökva,

iii. pasta sem nota skal eftir að það hefur verið soðið í vatni eða öðrum heppilegum vökva,

iv. tvíbökur og kex sem neyta má beint eða mylja út í vatn, mjólk eða annan heppilegan vökva,

b) „barnamat“ úr öðru hráefni en þar sem korn er uppistaðan.

3. Þessi tilskipun gildir ekki um mjólk sem er ætluð ungbörnum.

2. gr.

Í þessari tilskipun er merking eftirfarandi hugtaka sem hér segir:

a) „ungbörn“: börn yngri en 12 mánaða;

b) „smábörn“: börn á aldrinum eins til þriggja ára,

c) „varnarefnaleif“: efnaleif í unnum matvælum með korn sem uppistöðu og barnamat, eins og skilgreint er í 1. lið 2. gr. í tilskipun 91/414/EBE, að meðtöldum umbrotsefnum þeirra og efnum sem myndast við niðurbrot og efnahvörf þeirra.

3. gr.

Aðildarríkin skulu tryggja að framleiðsluvörurnar, sem um getur í 2. mgr. 1. gr., séu því aðeins settar á markað í Bandalaginu að þær séu í samræmi við reglurnar sem mælt er fyrir um í þessari tilskipun.

4. gr.

Unnin matvæli með korn sem uppistöðu og barnamat skulu framleidd úr innihaldsefnum sem viðurkennt er að henti næringarþörfum ungbarna og smábarna samkvæmt niðurstöðum viðurkenndra vísindarannsókna.

5. gr.

1. Unnin matvæli með korn sem uppistöðu skulu uppfylla viðmiðanirnar um samsetningu sem eru tilgreindar í I. viðauka.

2. Barnamat, sem er lýst í II. viðauka, skal uppfylla viðmiðanirnar um samsetningu sem þar eru tilgreindar.

6. gr.

Einungis er heimilt að bæta þeim næringarefnum, sem eru skráð í IV. viðauka, við í framleiðslu á unnum matvælum með korn sem uppistöðu og barnamat.

Mæla skal fyrir um hreinleikaskilyrði fyrir þessi efni síðar meir.

7. gr.

1. Í unnum matvælum með korn sem uppistöðu og barnamat skulu ekki vera nein efni í því magni sem stefnt getur heilsu ungbarna og smábarna í hættu. Ákvarða skal hámarksgildi sem nauðsynlegt er að ákvarða fyrir önnur efni en þau sem um getur í 2. og 3. mgr.

2. Unnin matvæli með korn sem uppistöðu og barnamat skulu ekki innihalda meira af leifum einstakra varnarefna en sem nemur 0,01 mg/kg nema að því er varðar þau efni sem tiltekin viðmiðunarmörk hafa verið ákvörðuð fyrir í VI. viðauka en í því tilviki skulu þau sérstöku mörk gilda.

Greiningaraðferðir til þess að ákvarða innihald varnarefnaleifa skulu vera staðlaðar og almennt viðurkenndar.

3. Varnarefnin, sem eru skráð í VII. viðauka, skulu ekki notuð við framleiðslu landbúnaðarafurða sem eru notaðar í unnin matvæli með korn sem uppistöðu og barnamat.

Eftirfarandi gildir þó um eftirlit:

a) varnarefni, sem eru tilgreind í töflu 1 í VII. viðauka, teljast ekki hafa verið notuð ef leifar þeirra eru ekki í styrk yfir 0,003 mg/kg. Þetta gildi, sem er álitid vera magngreiningarmörk greiningaraðferðarinnar, skal endurskoðað reglulega með tilliti til tækniframfara,

b) varnarefni, sem eru tilgreind í töflu 2 í VII. viðauka, teljast ekki hafa verið notuð ef leifar þeirra eru ekki í styrk yfir 0,003 mg/kg. Þetta gildi skal endurskoðað reglulega með tilliti til gagna um umhverfismengun.

4. Gildin, sem um getur í 2. og 3. mgr., eiga við um afurðir sem eru tilbúnar til neyslu eða endurgerðar samkvæmt fyrir mælum frá framleiðendum.

5. Ef tekin er ákvörðun um að virkt efni verði ekki tilgreint í I. viðauka við tilskipun 91/414/EBE skal breyta VI. og VII. viðauka við þessa tilskipun til samræmis við það að því er varðar þau varnarefni sem eru tilgreind í VII. viðauka.

6. Ákveða skal örverufræðilegar viðmiðanir eftir því sem nauðsyn ber til.

8. gr.

1. Eftirfarandi lögboðnar upplýsingar komi fram í merkingu viðkomandi vara, auk þeirra sem kveðið er á um í 3. gr. tilskipunar 2000/13/EB:

a) yfirlýsing um þann aldur sem varan er ætluð fyrir að teknu tilliti til samsetningar hennar, áferðar og annarra sérstakra eiginleika. Tilgreindur aldur skal ekki vera undir fjögurra mánaða aldri fyrir neina vöru. Heimilt er að mæla með notkun vöru fyrir ungbörn frá fjögurra mánaða aldri nema óháðir aðilar á sviði læknisfræði, næringarfræði eða lyfjafræði eða annað fagfólk, sem er ábyrgt fyrir ungbarna- og mæðravernd, ráðleggi annað,

b) upplýsingar um hvort glúten er í vörunni eða ekki ef varan er ætluð ungbörnum yngri en sex mánaða,

c) orkugildi í kJ og kcal ásamt prótín-, sykru- og fituinnihaldi, gefnu upp sem tölugildi í 100 g eða 100 ml af vöru eins og hún er seld og, eftir því sem við á, miðað við tiltekið magn tilbúinnar vöru eins og ráðgert er að hennar sé neytt,

d) meðalmagn hvers steinefnis og hvers vítamíns, sem tiltekin gildi eru tilgreind fyrir í I. og II. viðauka, gefið upp sem tölugildi í 100 g eða 100 ml af vöru eins og hún er seld og, þar sem við á, miðað við tiltekið magn tilbúinnar vöru eins og ráðgert er að hennar sé neytt,

e) leiðbeiningar um hvernig ber að tilreiða framleiðsluvörurnar, ef nauðsyn krefur, og yfirlýsing um mikilvægi þess að fylgja þeim leiðbeiningum.

2. Á merkimiðanum má eftirfarandi koma fram:

- a) meðalmagn næringarefnanna, sem sett eru fram í IV. viðauka, ef gildin koma ekki fram í ákvæðunum í d-lið 1. mgr., gefið upp sem tölugildi í 100 g eða 100 ml af vöru eins og hún er seld og, þar sem við á, miðað við tiltekið magn tilbúinnar vöru eins og ráðgert er að hennar sé neytt,
- b) tölulegar upplýsingar, svo og upplýsingar um vítamín og steinefni sem eru tilgreind í V. viðauka, gefnar upp sem hlutfall viðmiðunargilda sem þar eru gefin upp, miðað við hverja 100 ml vörunnar eins og hún er seld og þar sem við á, tilgreint magn vöru eins og ráðgert er að hennar sé neytt, að því tilskildu að magnið í vörunni sé a.m.k. 15% af viðmiðunargildunum.

9. gr.

Tilskipun 96/5/EB, eins og henni var breytt með tilskipunum sem eru tilgreindar í A-hluta VIII. viðauka, er felld úr gildi með fyrirvara um skuldbindingar aðildarríkjanna að því er varðar fresti á lögleiðingu tilskipananna í landslög eins og segir

í B-hluta VIII. viðauka. Líta ber á tilvísanir í niðurfelldu tilskipunina sem tilvísanir í þessa tilskipun og skulu þær lesnar með hliðsjón af samsvörunartöflunni í IX. viðauka.

10. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

11. gr.

Gjört í Brussel 5. desember 2006.

Fyrir hönd framkvæmdastjórnarinnar,

José Manuel BARROSO

framkvæmdastjóri.

I. VIÐAUKI

SAMSETNING UNNINNA MATVÆLA MEÐ KORN SEM UPPISTÖÐU OG BARNAMATAR FYRIR UNGBÖRN OG SMÁBÖRN

Kröfurnar, sem varða næringarefni, eiga við um vörur sem eru tilbúnar til notkunar og eru markaðssettar þannig eða endurgerðar samkvæmt leiðbeiningum framleiðandans.

1. KORNINNIHALD

Unnin matvæli með korn sem uppistöðu eru aðallega framleidd úr einni eða fleiri tegundum malaðs korns og/eða sterkjuríkum rótarávöxtum.

Magn korns og/eða sterkjuríkra rótarávaxta skal vera a.m.k. 25% af þurrvignt endanlegu blöndunna.

2. PRÓTÍN

2.1. Prótíninnihaldið, að því er varðar vörurnar sem um getur í ii. og iv. lið a-liðar 2. mgr. 1. gr., skal ekki vera meira en 1,3 g/100 kJ (5,5 g/100 kcal).

2.2. Magn prótíns, sem bætt er út í vörurnar sem um getur í ii. lið a-liðar 2. mgr. 1. gr., skal ekki vera meira en 0,48 g/100 kJ (2 g/100 kcal).

2.3. Að því er varðar kex, sem um getur í iv. lið a-liðar 2. mgr. 1. gr. og framleitt er með því að bæta við prótínríkum fæðutegundum og kynnt þannig, skal viðbætt prótín ekki vera meira en 0,36 g/100 kJ (1,5 g/100 kcal).

2.4. Efnastuðullinn fyrir viðbætta prótínið skal jafngilda a.m.k. 80% af viðmiðunarprótíninu (kasíni, eins og það er skilgreint í III. viðauka) eða virknistuðull prótínsins (PER) í blöndunni skal jafngilda a.m.k. 70% af sama hlutfalli hjá viðmiðunarprótíninu. Það er ófrávíkjanlegt að heimilt er að bæta við aminosýrum í þeim tilgangi einum að auka næringargildi prótínblöndunnar og aðeins í þeim hlutföllum sem eru nauðsynleg til þess að ná því markmiði.

3. SYKRUR

3.1. Ef súkrósa, frúktósa, glúkósa, glúkósasírópi eða hunangi er bætt í vörurnar sem um getur í i. og iv. lið a-liðar 2. mgr. 1. gr.:

— skal magn viðbættra sykra af þessum uppruna ekki vera meira en 1,8 g/100 kJ (7,5 g/100 kcal),

— skal magn viðbætts frúktósa ekki vera meira en 0,9 g/100 kJ (3,75 g/100 kcal).

3.2. Ef súkrósa, frúktósa, glúkósasírópi eða hunangi er bætt í vörurnar sem um getur í ii. lið a-liðar 2. mgr. 1. gr.:

— skal magn viðbættra sykra af þessum uppruna ekki vera meira en 1,2 g/100 kJ (5 g/100 kcal),

— skal magn viðbætts frúktósa ekki vera meira en 0,6 g/100 kJ (2,5 g/100 kcal).

4. FITUEFNI

4.1. Fituefnainnihald, að því er varðar vörurnar sem um getur í i. og iv. lið a-liðar 2. mgr. 1. gr., skal ekki vera meira en 0,8 g/100 kJ (3,3 g/100 kcal).

4.2. Fituefnainnihald, að því er varðar vörurnar sem um getur í ii. lið a-liðar 2. mgr. 1. gr., skal ekki vera meira en 1,1 g/100 kJ (4,5 g/100 kcal). Ef innihald fituefna er meira en 0,8 g/100 kJ (3,3 g/100 kcal):

— skal magn lárinsýru ekki vera meira en 15% af heildarinnihaldi fituefna,

— skal magn mýristínsýru ekki vera meira en 15% af heildarinnihaldi fituefna,

— skal magn línólsýru (í formi glýseríða = línóleata) ekki vera minna en 70 mg/100 kJ (300 mg/100 kcal) og ekki meira en 285 mg/100 kJ (1200 mg/100 kcal).

5. STEINEFNI

5.1. **Natríum**

— einungis má bæta natríumsöltum við í unnin matvæli með korn sem uppistöðu í tæknilegum tilgangi,

— innihald natríums í unnum matvælum með korn sem uppistöðu skal ekki vera meira en 25 mg/100 kJ (100 mg/100 kcal).

5.2. **Kalsíum**

5.2.1. Magn kalsíums, sem bætt er í vörurnar sem um getur í ii. lið a-liðar 2. mgr. 1. gr., skal ekki vera meira en 20 mg/100 kJ (80 mg/100 kcal).

5.2.2. Magn kalsíums, að því er varðar vörurnar, sem um getur í iv. lið a-liðar 2. mgr. 1. gr., framleiddar með því að bæta við mjólk (mjólkurkex) og kynntar þannig, skal a.m.k. vera 12 mg/100 kJ (50 mg/100 kcal).

6. VÍTAMÍN

6.1. Að því er varðar unnin matvæli með korn sem uppistöðu skal magn þíamíns vera a.m.k. 25 µg/100 kJ (100 µg/100 kcal).

6.2. Að því er varðar vörur sem um getur í ii. lið a-liðar 2. mgr. 1. gr.:

	Á 100 kJ		Á 100 kcal	
	Lágmark	Hámark	Lágmark	Hámark
A-vítamín (µg RE) ⁽¹⁾	14	43	60	180
D-vítamín (µg) ⁽²⁾	0,25	0,75	1	3

⁽¹⁾ RE = altransretínóljafngildi.

⁽²⁾ Sem kólekaliferól, þar af 10 µg = 400 alþjóðaeiningar af D-vítamíni.

Þessi mörk gilda einnig ef A- og D-vítamíni er bætt út í önnur unnin matvæli með korn sem uppistöðu.

7. HÁMARKSGILDI FYRIR VIÐBÆTT VÍTAMÍN, STEINEFNI OG SNEFILEFNI

Kröfurnar, sem varða næringarefni, eiga við um vörur tilbúnar til neyslu sem eru markaðssettar þannig eða endurgerðar samkvæmt leiðbeiningum framleiðandans, að undanskildu kalíumi og kalsíumi þar sem kröfurnar eiga við um selda vöru.

Næringarefni	Hámark á 100 kcal
A-vítamín (µg RE)	180
Vítamín E (mg α-TE) ⁽¹⁾	3
D-vítamín (µg)	3
C-vítamín (mg)	12,5/25 ⁽²⁾
Þíamín (mg)	0,5
Ríbóflavín (mg)	0,4
Níasín (mg NE)	4,5
B ₆ -vítamín (mg)	0,35
Fólínsýra (µg)	50
B ₁₂ -vítamín (µg)	0,35

Næringarefni	Hámark á 100 kcal
Pantóþensýra (mg)	1,5
Bíótín (µg)	10
Kalíum (mg)	160
Kalsíum (mg)	80/180 ⁽⁴⁾ /100 ⁽⁵⁾
Magnesium (mg)	40
Járn (mg)	3
Sink (mg)	2
Kopar (µg)	40
Joð (µg)	35
Mangan (mg)	0,6

⁽¹⁾ α-TE = jafngildi d-α-tókoferóls.

⁽²⁾ Mörk sem gilda um vörur sem eru járnþættar.

⁽³⁾ NE = níasinjafngildi = mg nikótínsýru + mg trýptófans/60.

⁽⁴⁾ Mörk sem gilda um vörur sem um getur í i. og ii. lið a-liðar 2. mgr. 1. gr.

⁽⁵⁾ Mörk sem gilda um vörur sem um getur í iv. lið a-liðar 2. mgr. 1. gr.

II. VIÐAUKI

SAMSETNING BARNAMATAR HANDA UNGBÖRNUM OG SMÁBÖRNUM

Kröfumnar, sem varða næringarefni, eiga við um vörur sem eru tilbúnar til notkunar og eru markaðssettar þannig eða endurgerðar samkvæmt leiðbeiningum framleiðandans.

1. PRÓTÍN

1.1. Ef kjöt, alifuglar, fiskur, innmatur eða aðrir hefðbundnir prótínjafar eru einu efnisþættirnir sem nefndir eru í heiti vörunnar:

- skal tilgreind tegund af kjöti, alifuglum, fiski, innmat eða öðrum hefðbundnum prótínjöfum vega samanlagt a.m.k. 40% af þyngd fullgerðu vörunnar,
- skal hver tilgreind tegund af kjöti, alifuglum, fiski, innmat eða öðrum hefðbundnum prótínjöfum vega samanlagt a.m.k. 25% af heildarþyngd tilgreindu prótínjafanna,
- skal heildarprótínið úr tilgreindum prótínjöfum vera a.m.k. 1,7 g/100 kJ(7 g/100 kcal).

1.2. Ef kjöt, alifuglar, fiskur, innmatur eða aðrir hefðbundnir prótínjafar, hvert fyrir sig eða í samsetningu, eru nefndir fremst í heiti vörunnar, hvort sem varan er sett fram sem máltíð eða ekki:

- skal tilgreind tegund af kjöti, alifuglum, fiski, innmat eða öðrum hefðbundnum prótínjöfum vega samanlagt a.m.k. 10% af þyngd fullgerðu vörunnar,
- skal hver tilgreind tegund af kjöti, alifuglum, fiski, innmat eða öðrum hefðbundnum prótínjöfum vega samanlagt a.m.k. 25% af þyngd allra tilgreindu prótínjafanna,
- skal prótínið úr tilgreindu prótínjöfunum vera a.m.k. 1 g/100 kJ(4 g/100 kcal).

1.3. Ef kjöt, alifuglar, fiskur, innmatur eða aðrir hefðbundnir prótínjafar, hvert fyrir sig eða til samans, er nefnt í heiti vörunnar, en ekki alveg fremst, hvort sem varan er kynnt sem máltíð eða ekki:

- skal tilgreind tegund af kjöti, alifuglum, fiski, innmat eða öðrum hefðbundnum prótínjöfum vega samanlagt a.m.k. 8% af heildarþyngd vörunnar,
- skal hver tilgreind tegund af kjöti, alifuglum, fiski, innmat eða öðrum hefðbundnum prótínjöfum vega samanlagt a.m.k. 25% af heildarþyngd prótínjafanna,
- skal prótínið úr tilgreindu prótínjöfunum vega a.m.k. 0,5 g/100 kJ(2,2 g/100 kcal),
- skal heildarmagn prótíns í vörunni, frá öllum prótínjöfum, vera a.m.k. 0,7 g/100 kJ (3 g/100 kcal).

1.4. Ef ostur er nefndur ásamt öðrum innihaldsefnum í heitinu á bragðmikilli vöru, hvort sem hann talinn vera máltíð eða ekki, þá:

- skal prótínið úr mjólkurvörunum vera a.m.k. 0,5 g/100 kJ (2,2 g/100 kcal),
- skal heildarinnihald prótíns í vörunni, frá öllum prótínjöfum, vera a.m.k. 0,7 g/100 kJ (3 g/100 kcal).

1.5. Ef varan er tilgreind sem máltíð á merkimiðanum en hvergi er minnst á kjöt, alifugla, fisk, innmat eða aðra hefðbundna prótínjafa í heiti vörunnar skal heildarinnihald prótíns í vörunni, frá öllum prótínjöfum, vera a.m.k. 0,7 g/100 kJ (3 g/100 kcal).

- 1.6. Sósar, sem eru tilgreindar sem meðlæti með máltíð, eru undanskildar kröfunum í liðum 1.1 til 1.5, að báðum meðtöldum.
- 1.7. Í eftirrétum, þar sem mjólkurvörur eru tilgreindar sem fyrstu eða einu innihaldsefni í heitinu, skal mjólkurprótín vera a.m.k. 2,2 g/100 kcal. Allir aðrir eftirrétir eru undanþegnir kröfunum í lið 1.1 til 1.5.
- 1.8. Heimilt er að bæta við aminosýrum í þeim tilgangi einum að auka næringargildi þeirra prótína sem fyrir eru og aðeins í þeim hlutföllum sem eru nauðsynleg til þess að ná því markmiði.

2. SYKRUR

Heildarmagn sykra í aldinsafa, grænmetissafa og nektarsafa, hreinum ávaxtaréttum, eftirrétum og búðingum skal ekki vera meira en:

- 10 g/100 ml fyrir grænmetissafa og drykki sem byggjast á þeim,
- 15 g/100 ml fyrir aldinsafa og nektarsafa og drykki sem byggjast á þeim,
- 20 g/100 g fyrir hreina ávaxtarétti,
- 25 g/100 g fyrir eftirrétti og búðinga,
- 5 g/100 g fyrir aðra drykki sem innihalda ekki mjólk.

3. FITA

- 3.1. Að því er varðar framleiðsluvörur sem um getur í lið 1.1:

Ef kjöt eða ostur eru einu innihaldsefni eða ef þau eru tilgreind fremst í heiti vörunnar skal heildarmagn fitu, úr öllum fitugjöfum, ekki vera meira en 1,4 g/100 kJ (6 g/100 kcal).

- 3.2. Fyrir allar aðrar vörur skal heildarfita, úr öllum fitugjöfum, ekki vera meiri en 1,1 g/100 kJ (4,5 g/100 kcal).

4. NATRÍUM

- 4.1. Endanlegt natríuminnihald vörunnar skal annaðhvort ekki vera meira en 48 mg/100 kJ (200 mg/100 kcal) eða ekki meira en 200 mg/100 g. Ef ostur er eina innihaldsefnið, sem er nefnt í heiti vörunnar, skal endanlegt natríuminnihald vörunnar hins vegar ekki vera meira en 70 mg/100 kJ (300 mg/100 kcal).

- 4.2. Ekki má bæta natríumsöltum í vörur sem gerðar eru úr ávöxtum eða í eftirrétti og búðinga nema í tæknilegum tilgangi.

5. VÍTAMÍN

C-vítamín

Endanlegt magn C-vítamíns í aldinsafa, nektarsafa eða grænmetissafa skal annaðhvort vera a.m.k. 6 mg/100 kJ (25 mg/100 kcal) eða a.m.k. 25 mg á 100 g.

A-vítamín

Endanlegt magn A-vítamíns í grænmetissafa skal vera a.m.k. 25 µg RE/100 kJ (100 µg RE/100 kcal).

Ekki skal bæta A-vítamíni í annan barnamat.

D-vítamín

Ekki skal bæta D-vítamíni í barnamat.

6. HÁMARKSGILDI FYRIR VIÐBÆTT VÍTAMÍN, STEINEFNI OG SNEFILEFNI

Kröfurnar sem varða næringarefni eiga við um vörur sem eru tilbúnar til neyslu og markaðssettar þannig eða endurgerðar samkvæmt leiðbeiningum framleiðandans, að undanskildu kalíumi og kalsíumi þar sem kröfurnar eiga við um selda vöru.

Næringarefni	Hámark á 100 kcal
A-vítamín (µg RE)	180 ⁽¹⁾
E- Vítamín (mg α-TE)	3
C-vítamín (mg)	12,5/25 ⁽²⁾ /125 ⁽³⁾
Þíamín (mg)	0,25
Ríbóflavín (mg)	0,4
Níasín (mg NE)	4,5
B ₆ -vítamín (mg)	0,35
Fólínsýra (µg)	50
B ₁₂ -vítamín (µg)	0,35
Pantóþensýra (mg)	1,5
Bíótín (µg)	10
Kalíum (mg)	160
Kalsíum (mg)	80
Magnesium (mg)	40
Járn (mg)	3
Sink (mg)	2
Kopar (µg)	40
Joð (µg)	35
Mangan (mg)	0,6

⁽¹⁾ Í samræmi við ákvæðin í 5. lið.

⁽²⁾ Mörk sem gilda um vörur sem eru járnþettar.

⁽³⁾ Mörk sem gilda um rétti sem byggjast á aldinum, aldinsafa, nektarsafa og grænmetisafa.

III. VIÐAUKI

AMÍNÓSÝRUSAMSETNING KASÍNS

(g/100 g af prótíni)

Argínín	3,7
Sýstín	0,3
Histidín	2,9
Ísólefsín	5,4
Lefsín	9,5
Lýsín	8,1
Metíónín	2,8
Fenýlalanín	5,2
Þreónín	4,7
Trýptófan	1,6
Týrósín	5,8
Valín	6,7

IV. VIÐAUKI

NÆRINGAREFNI

1. VÍTAMÍN	<i>C-vítamín</i>
<i>A-vítamín</i>	L-askorbínsýra
Retínól	Natrium-L-askorbat
Retínýlasetat	Kalsíum-L-askorbat
Retínýlpalmítat	6-palmítýl-L-askorbínsýra (askorbýlpalmítat)
Betakarótín	Kalíumaskorbat
<i>D-vítamín</i>	<i>K-vítamín</i>
D ₂ -vítamín (= ergókalsiferól)	Fýllókinon (fýtómenadion)
D ₃ -vítamín (= kólekaliferól)	<i>E-vítamín</i>
<i>B₁-vítamín</i>	D-alfa-tókóferól
Þíamínhýdróklóríð	DL-alfa-tókóferól
Þíamínmonónítrat	D-alfa-tókóferólasetat
<i>B₂-vítamín</i>	DL-alfa-tókóferólasetat
Ríbóflavín	
Natriumríbóflavín-5'-fosfat	2. AMÍNÓSÝRUR
<i>Níásín</i>	L-arginín
Nikótínamið	L-systín
Nikótínsýra	L-histídín
<i>B₆-vítamín</i>	L-isólefsín
Pýridoxinhýdróklóríð	L-lefsín
Pýridoxín-5-fosfat	L-lýsín
Pýridoxíndípalmitat	L-systín
<i>Pantóþensýra</i>	
Kalsíum-D-pantóþenat	L-metiónín
Natrium-D-pantóþenat	L-fenýlalanín
Dexpanþenól	L-þreónín
<i>Fólat</i>	L-trýptófan
Fólínsýra	L-týrósín
<i>B₁₂-vítamín</i>	L-valín
Sýanókóbalamín	
Hýdroxókóbalamín	3. ANNAÐ
<i>Bíótín</i>	Kólín
D-bíótín	Kólinklórið
	Kólínsítrat
	Kólínbitartrat
	Inósítól
	L-karnítín
	L-karnítinhýdróklóríð

} og hýdróklóríð þeirra

4. SÖLT AF STEINEFNUM OG SNEFILEFNI	Ferrófúmarat
<i>Kalsíum</i>	Ferrídífosfat (ferrípýrófosfat)
Kalsíumkarbónat	Járn (sem frumefni) (karbónýl- og vetnisafoxað járn og járn afoxað með rafgreiningu)
Kalsíumklóríð	Ferrísakkarat
Kalsíumsalt af sítrónusýru	Natríumferrídífosfat
Kalsíumglúkonat	Ferrókarbónat
Kalsíumglýserófosfat	<i>Kopar</i>
Kalsíumlaktat	Koparlýsínflóki
Kalsíumoxíð	Kúprikarbónat
Kalsíumhýdroxíð	Kúprisítrat
Kalsíumsölt af ortófosfórsýru	Kúpríglúkonat
<i>Magnesium</i>	Kúprisúlfat
Magnesiumkarbónat	<i>Sink</i>
Magnesiumklóríð	Sinkasetat
Magnesiumsalt af sítrónusýru	Sinkklóríð
Magnesiumglúkonat	Sinksítrat
Magnesiumoxíð	Sinklaktat
Magnesiumhýdroxíð	Sinksúlfat
Magnesiumsölt af ortófosfórsýru	sinkoxíð
Magnesiumsúlfat	Sinkglúkonat
Magnesiumlaktat	<i>Mangan</i>
Magnesiumglýserófosfat	Mangankarbónat
<i>Kalíum</i>	Manganklóríð
Kalíumklóríð	Mangansítrat
Kalíumsalt af sítrónusýru	Manganglúkonat
Kalíumglúkonat	Mangansúlfat
Kalíumlaktat	Manganglýserófosfat
Kalíumglýserófosfat	<i>Joð</i>
<i>Járn</i>	Natríumjoðið
Ferrósítrat	Kalíumjoðið
Ferriammoníumsítrat	Kalíumjoðat
Ferróglúkonat	Natríumjoðat
Ferrólaktat	
Ferrósúlfat	

V. VIÐAUKI

VIÐMIÐUNARGILDI FYRIR NÆRINGARMERKINGAR Á BARNAMAT HANDA UNGBÖRNUM OG SMÁBÖRNUM

Næringarefni	Viðmiðunargildi á merkimiðum
A-vítamín	(µg) 400
D-vítamín	(µg) 10
C- vítamín	(mg) 25
Þíamín	(mg) 0,5
Ríbóflavín	(mg) 0,8
Níasinjafngildi	(mg) 9
B ₆ -vítamín	(mg) 0,7
Fólat	(µg) 100
B ₁₂ -vítamín	(µg) 0,7
Kalsíum	(mg) 400
Járn	(mg) 6
Sink	(mg) 4
Joð	(µg) 70
Selen	(µg) 10
Kopar	(mg) 0,4

VI. VIÐAUKI

**SÉRTÆK HÁMARKSGILDI LEIFA FYRIR VARNAREFNI EÐA UMBROTSEFNI VARNAREFNA Í UNNUM
MATVÆLUM MEÐ KORN SEM UPPISTÖÐU OG BARNAMAT**

Efnaheiti	Hámarksgildi leifa (mg/kg)
Kadúsafos	0,006
Demetón-S-metýl/demetón-S-metýlsúlfón/oxýdemetónmetýl (hvort um sig eða í samsetningu, gefið upp sem demetón-S-metýl)	0,006
Etóprófós	0,008
Fipróníl (summa fipróníls og fipróníldesúlfínýls, gefin upp sem fipróníl)	0,004
Própíneb/própýlenþíóþvagefni (summa própínebs og própýlenþíóþvagefnis)	0,006

VII. VIÐAUKI

VARNAREFNI SEM EKKI MÁ NOTA VIÐ FRAMLEIÐSLU LANDBÚNAÐARAFURÐA SEM ÆTLAÐAR ERU
TIL FRAMLEIÐSLU Á UNNUM MATVÆLUM MEÐ KORN SEM UPPISTÖÐU OG BARNAMAT

Tafla 1

Efnaheiti (skilgreining leifar)
Dísúlfótón (summa dísúlfótóns, dísúlfótónsúlfoxíðs og dísúlfótónsúlfóns, gefin upp sem dísúlfótón)
Fensúlfóbíón (summa fensúlfóbíóns, súrefnishliðstæðu þess og súlfónum þeirra, gefin upp sem fensúlfóbíón)
Fentin, gefið upp sem plúsjón trifenýltins
Haloxýfóp (summa haloxýfóps, salta þess og estera, þ.m.t. samrunaefnasambönd, gefin upp sem haloxýfóp)
Heptaklór og <i>trans</i> -heptaklórepoxíð, gefið upp sem heptaklór
Hexaklórbensen
Nítrófen
Ómetóat
Terbúfos (summa terbúfoss og súlfoxíðs og súlfóni þess, gefin upp sem terbúfos)

Tafla 2

Efnaheiti
Aldrín og díeldrín, gefið upp sem díeldrín
Endrín

VIII. VIÐAUKI

A-HLUTI

Niðurfelld tilskipun með síðari breytingum**(sem um getur í 9. gr.)**

Tilskipun framkvæmdastjórnarinnar 96/5/EB	(Stjtið. EB L 49, 28.2.1996, bls. 17)
Tilskipun framkvæmdastjórnarinnar 98/36/EB	(Stjtið. EB L 167, 12.6.1998, bls. 23)
(Tilskipun framkvæmdastjórnarinnar 1999/39/EB)	(Stjtið. EB L 124, 18.5.1999, bls. 8)
(Tilskipun framkvæmdastjórnarinnar 2003/13/EB)	(Stjtið. ESB L 41, 14.2.2003, bls. 33)

B-HLUTI

Skrá yfir fresti til lögleiðingar í aðildarríkjunum**(sem um getur í 9. gr.)**

Tilskipun	Frestur til lögleiðingar	Leyfi til að eiga viðskipti með vörur sem samræmast ákvæðum þessarar tilskipunar	Bann við því að eiga viðskipti með vörur sem samræmast ekki ákvæðum þessarar tilskipunar
96/5/EB	30. september 1997	1. október 1997	31. mars 1999
98/36/EB	31. desember 1998	1. janúar 1999	1. janúar 2000
1999/39/EB	30. júní 2000	30. júní 2000	1. júlí 2002
2003/13/EB	6. mars 2004	6. mars 2004	6. mars 2005

IX. VIÐAUKI

SAMSVÖRUNARTAFLA

Tilskipun 96/5/EB	Þessi tilskipun
1., 2. og 3. mgr. 1. gr.	1., 2. og 3. mgr. 1. gr.
Inngangssætning 4. mgr. 1. gr.	Inngangssætning 2. gr.
Fyrsti undirliður 4. mgr. 1. gr.	a-liður 2. gr.
Annar undirliður 4. mgr. 1. gr.	b-liður 2. gr.
Þriðji undirliður 4. mgr. 1. gr.	c-liður 2. gr.
2. gr.	3. gr.
3. gr.	4. gr.
4. gr.	5. gr.
5. gr.	6. gr.
1. mgr. 6. gr.	1. mgr. 7. gr.
Fyrsta undirgrein 2. mgr. 6. gr.	Fyrsta undirgrein 2. mgr. 7. gr.
Önnur undirgrein 2. mgr. 6. gr.	4. mgr. 7. gr.
Þriðja undirgrein 2. mgr. 6. gr.	Önnur undirgrein 2. mgr. 7. gr.
Fyrsta undirgrein, inngangssætning a-liðar 3. mgr. 6. gr.	Inngangssætning 3. mgr. 7. gr.
i. liður fyrstu undirgreinar í a-lið 3. mgr. 6. gr.	a-liður 3. mgr. 7. gr.
ii. liður fyrstu undirgreinar í a-lið 3. mgr. 6. gr.	b-liður 3. mgr. 7. gr.
Önnur undirgrein a-liðar 3. mgr. 6. gr.	4. mgr. 7. gr.
b-liður 3. mgr. 6. gr.	5. mgr. 7. gr.
4. mgr. 6. gr.	6. mgr. 7. gr.
7. gr.	8. gr.
8. gr.	—
—	9. gr.
9. gr.	10. gr.
10. gr.	11. gr.
Inngangssætning í I. viðauka.	Inngangssætning í I. viðauka.
1., 2. og 3. liður í I. viðauka.	1., 2. og 3. liður í I. viðauka.
4. liður I. viðauka	4. liður I. viðauka
Liður 4.1 í I. viðauka	Liður 4.1 í I. viðauka
Liður 4.2 í I. viðauka	Liður 4.2 í I. viðauka
a-liður liðar 4.2 í I. viðauka	Fyrsti undirliður liðar 4.2 í I. viðauka

Tilskipun 96/5/EB	Þessi tilskipun
b-liður liðar 4.2 í I. viðauka	Annar undirliður liðar 4.2 í I. viðauka
c-liður liðar 4.2 í I. viðauka	Þriðji undirliður liðar 4.2 í I. viðauka
5. og 6. liður í I. viðauka	5. og 6. liður í I. viðauka
Inngangssætning í II. viðauka.	Inngangssætning í II. viðauka.
1. liður II. viðauka	1. liður II. viðauka
Liðir 1.1–1.3 í II. viðauka	Liðir 1.1–1.3 í II. viðauka
a-liður liðar 1.3 í II. viðauka	Liður 1.4 í II. viðauka
Liður 1.4 í II. viðauka	Liður 1.5 í II. viðauka
a-liður liðar 1.4 í II. viðauka	Liður 1.6 í II. viðauka
b-liður liðar 1.4 í II. viðauka	Liður 1.7 í II. viðauka
Liður 1.5 í II. viðauka	Liður 1.8 í II. viðauka
2.–5. liður í II. viðauka	2.–5. liður í II. viðauka
III. viðauki	III. viðauki
IV. viðauki	IV. viðauki
V. viðauki	V. viðauki
VI. viðauki	7. liður I. viðauka og 6. liður II. viðauka
VII. viðauki	VI. viðauki
VIII. viðauki	VII. viðauki
—	VIII. viðauki
—	IX. viðauki